



UNIVERSITÄTS-  
BIBLIOTHEK  
PADERBORN

**Rigor Moderatus Doctrinæ Pontificiæ Circa Usuras A SS.  
D. N. Benedicto XIV. Per Epistolam Encyclicam Episcopis  
Italiæ Traditus**

Specimina exhibens Moderationis Pontificiæ, à P. Daniele Concina violatæ

**Zech, Franz Xaver**

**Ingolstadii, 1749**

Per Germaniam

---

[urn:nbn:de:hbz:466:1-63772](#)

nis. Eadem quæstio supra (§. 342. seqq.) fuit proposita de Montibus mixtis Italiæ : sed hoc loco ex aliis principiis est enodanda. Itali enim exactam profitentur observantiam Constitutionis, quam Pius V. de Censibus edidit : ex hujus autem præscripto dici non potest emptio Censuum, quando pecuniæ pro annuo fructu in Monte deponuntur. Belgæ verò Bullam istam in suis Provinciis nequaquam in usum deductam dicunt : unde Census annuos à creditoribus Montis emi affirmant : putantque, quæ de censu super bonis Civitatis creando, aut de Civibus ad conferendas pecunias co-gendis ab Italib[us] Auctoribus disputantur, ea planè parerga esse ad id, quod hic controvertitur. Redibit de his Censibus loquendi occasio sequenti Capite.

## §. 361.

*Nequaquam annos in Montibus Pietatis.*

Non est quod his addamus de Mensis Batavorum, apud quos auctoritate Magistratus instituuntur Mensæ publicæ à Trapezitis, qui obviis quibusque foenerantur, & dant multo pecuniam cum certis & definitis usuris. Fatentur Doctores Batavi, in his Mensis exerceri usuram publicam, hanc que licitam esse contendunt. Unde non video, cur aliqui has Mensas cum Montibus Pietatis assimilare, & ab usurariis negotiis eximere satagant.

Vid. GIBALINUS de usuris lib. 4. c. 7. art. 3. n. 7.

## §. 362.

*III. Germani vel non indigebant Montibus Pietatis:*

III. Seriùs in Germaniam Superiorem introducti sunt Montes Pietatis, tum quod Natio hæc indole sua ad misericordiam prona, facilè subvenire soleat indigentibus; tum quod Magistratus in his Provinciis nunquam non efficacissimis remedii & legibus, Judæorum (a) aut aliorum sceneriorum avaritiam represserit.

(a) Legibus Imperii cavetur, ne chirographa, obligationes, aliquæ onerosi contractus testes literæ, ex quibus Christianus Ju-

Judæo obligetur, ullam vim probandi in judicio habeant, nisi erecta fuerint coram ordinario Magistratu contrahentis Christiani, exceptis negotiationibus & commerciis legitimis in publicis nundiniis. *Recess. Imper. Augusta 1551. §. 79.* Vigore autem ejusmodi constitutiones etiam hoc tempore, nuperrimè sensit Judæus quidam, condemnatus per sententiam hujatis Facultatis Juridicæ, ad quam Causa pro Revisione aëtorum delata fuerat. Neque permittuntur Judæi majores usuras accipere, quam 5. pro 100. *Ordin. Polit. Francfurt. ann. 1577. tit. 20. §. 6.*

## §. 363.

Civitates illæ, quæ à Romanis Sacris alienæ sunt, ex *Vel eos horre-*  
eo insuper Capite à Montibus Pietatis abhorruerunt, quòd *bant:*  
isti originem suam Pontificibus Romanis debeant. Verùm  
advertisit ex Protestantibus nonnemo, (a) jam desuisse illam  
sectam, cui Ascianus (§. 257. a.) addictus fuit, quæ Protestantibus  
nihil recipiendum esse censébat, quod Curiam Romanam vel  
in minimo oleret.

(a) D. SENCKENBERG de Mont. Piet. c. 1. §. 4.

## §. 364.

Unde Montes (a) non quidem perfectissimæ pietatis, *Tandem*  
priori & præsenti sæculo in plurimis Civitatibus erectoros vi-*erexerunt*  
demus authoritate Magistratus Laici apud Viennenses, No-*varios:*  
rimbergenses, Hamburgenses, (b) Hanovienses, Illmenses,  
Castelanos, Göttingenses, Francofurtenses, Ratisbonenses,  
Augustanos &c. ex Politicis etiam rationibus. I. ut boni  
conatus juniorum artificum subsidio pecuniario sustenten-  
tur, unde magnum Reipublicæ decus & commodum spe-  
rari potest. II. Ne cogantur cives deficiente pecunia mer-  
ces suas pro vilissimo pretio extraneis vendere; vel ab ex-  
traneis pecunias ad annuam pensionem accipere. III. Ut  
opulentiores, quibus negotiations aliæ non convenient, pecunias suas in Monte collocandi, commodam occasio-  
nem habeant. IV. Ne pecunia publica sit otiosa, nec Prin-  
cipis

Dd 3

cipis largitionibus effundatur ; sed ad singulos & universos summa utilitate emolumendum inde redundet.

(a) Vernacula lingua dicuntur Pfand. Haß / Leh. Haß / Aſſen-  
ſtenz-Haß. Haß / Schatzkammer der Barmherzigkeit.

(b) Hamburgi vocantur Lummart, haud dubie corrupto voca-  
bulo à Lombard, quod in Belgio obtinet. (§. 355. b.) Non  
enim est verosimile, quod KLOCKIUS de arario lib. 2. c. 20.  
dicit, Lugduni Batavorum fuisse quendam nomine Lummart,  
qui primus tale institutum exercuerit, unde hoc nomen ad  
alios postea translatum fuerit.

### §. 365.

*Inter quos memoratu dignus,* A scopo mihi proposito aberrare non videbor, si for-  
mam duorum aut trium in Germania erectorum Montium  
exhibuero. Seligo ex Episcopalibus I. Frisingensem præcipua  
laude florentem : ex Civitatibus propinquioribus II. Augu-  
stanum, & III. Ratisbonensem.

### §. 366.

*Frisingen-  
sis perfe-  
ctissimus:* I. Frisingæ, nobili Bavariæ Civitate, circa initia hujus  
 sæculi sub Episcopo Zelosissimo Joanne Francisco, erecta  
 est confraternitas, quæ à Charitate nomen accepit, in id præ-  
 cipue intenta, ut per varia misericordiæ opera pauperibus  
 subveniret. Hæc præter eleemosynas, aliisque indigentibus  
 præstata subsidia, administrat etiam Montem Pietatis ex pio-  
 rum largitionibus conflatum, unde egentibus Civibus Fri-  
 singensibus, qui intra breve tempus solutioni præstandæ pa-  
 res fore creduntur, sub pignore vel secura hypotheca aut  
 etiam fidejussione idonea, mutuum conceditur ad anni  
 unius spatium, ita gratis, ut ne quidem pro salario mini-  
 strorum; aut aliis expensis, nec minimum ultra sortem ca-  
 pitalem præstetur. Hanc gratuitam administrationem,  
 quam dictæ Confraternitatis membra in se suscipiunt, Fun-  
 dato-

datores Montis salutari clausula firmarunt, vi cuius pecuniae huic operi à se destinatae mox Hospitali ægrotorum applicentur, & applicatae censeantur, si Mons iste vel minimum quid sub quoquaque titulo ultra sortem à mutuatariis exigat. Implet igitur Confratres Charitatis Frisingenses vota Concilii Lateranensis sub Leone X. Quod monet, multo perfectius, multoque sanctius fore, si omnino tales Montes gratuitè constituerentur &c. (§. 305.) ubermque simul donorum cœlestium quæstum cumulant, bene gnari artem quæstuosissimam esse eleemosynam, misericordiæ filiam, licitam & sanctam quandam fœnerationem, distributionem pecuniarum in pauperes. (a)

(a) AUGUSTINUS VALERIUS Episc. Veronens. de Rhetorica Eccles.  
lib. 2. c. 16.

### §. 367.

Non eadem quidem Pietate, magno tamen Reipubli- *Augustas*  
cæ suæ commodo, Illustris senatus Augustæ Vindelicorum *nus*  
Montem (a) jam pridem erectum, sed iniquitate tempo-  
ris ferme extinctum, Anno 1732. restituit. Ex defectu  
enim talis publici ærarii, Judæi vicina urbi loca inhabi-  
tantes, pecunias Augustanis civibus sub gravibus usuris  
mutuabant, hæcque occasione varias simul negotiationes  
exercebant, magno Mercatorum, artificiumque Augu-  
stanorum damno. Horum igitur precibus, & proprio in  
Civium suorum commoda studio excitatus Senatus, tum  
ex ærario publico, tum ex Mercatorum collatis pecuniis  
Montem prope Portam S. Crucis constituit, in quo opu-  
lentiores Cives abunde pecunias sub hypotheca Redituum  
Civitatis, hodiedum collocant, pro quibus primo quidem  
& altero anno prorsus nihil, sequentibus dein annis mode-  
ratum censum ex Monte percipiunt. Mutuatarii autem,  
tum exteri, tum Cives præcipue Augustani, quibus sub  
idoneo pignore ad anni spatium variæ conceduntur summæ  
pecuniariæ, non quidem infra 5. florenos, nec tamen re-  
gula-

gulariter ultra 1500. florenos, non solum reddunt Monti annuos Census Creditoribus persolvendos, ad rationem 6. pro 100., sed insuper duos florenos annuos in centum pro salariis Ministrorum, aliisque necessariis impensis.

(a) Leyb- und Pfand-Haus

§. 368.

*Sub statutis competitibus:* Pro majore firmitate hujus instituti, præter alios necessarios Ministros, deputati sunt quatuor ex Senatu, & duodecim ex Mercatoribus: concessum Monti sub certis limitationibus Jus prælationis in pignora, fortè alteri obligata: cavetur ne ab aliis privatis Augustæ detur mutuum sub pignore, nisi id fiat ad minorem pensionem annuam, quam 6. pro 100. Sub gravibus poenis arcentur omnes Hebræi, cujuscunque sexus aut ætatis, ab ingressu in urbem Augustanam, vi Privilegii jam olim à Rudolpho Imp. anno 1599. obtenti: omnésque contractus Judæorum cum civibus Augustanis absque decreto Magistratus initi, declarantur nulli, ac cassi, exceptis legitimis commerciis in publicis aliorum locorum nundinis, aut emptione victualium pro parata pecunia.

§. 369.

*Ratisbonensis:* Senatus Civitatis Ratisbonensis non quidem à moenibus suis prorsus removet Hebræos; omne tamen commercium Civium suorum cum iisdem severè prohibet. Ut autem opportuna ad manum sit occasio obtinendi pecunias mutuas, erectus est Mons Pietatis anno 1711. ejusq[ue] statuta renovata anno 1742. Juxta hæc, majores, & ministriores etiam summæ obtineri sub pignore possunt, non tamen infra unum florenum Rhenanum: si pignora consistant in auro, argento, gemmis, stanno &c. conceditur mutuum ad annum; elapso tamen semestri pendendum est proportionatum interesse: si verò in pignus dentur vestes, supplex linea &c. mutuum datur solummodo ad sex menses, & elapsu.

elapsis primis tribus mensibus solvitur pro rata temporis auctarium ad indemnitatē Montis, computando sex florenos annuos in 100. Qui hac ratione solutionem consueti auctarii accuratē præstat, facile impetrat, ut summam capitalem in longius tempus retinere liceat. Qui autem pecunias collocant in Monte, reportant inde annuos quinque, si sint Cives; quatuor autem, si sint extranei. Singulariter cavetur, ne mutuum ex Monte detur Judæis.

## §. 370.

Silentio præterire non possum pium conatum, quo ab hinc biennio fundamenta jacta sunt, si non *Monti*, saltem *Colli Pietatis* à Reverendissimo D. Joanne Bernardo Mayr, *Episcopo Chrysopolitano*, & *Suffraganeo Herbipolensi*. *Et nuper rimè Laudensis.*  
Hic articulo 24. suæ ultimæ voluntatis destinavit 4000. Thaleros Imperiales, qui conficiunt 6000. florenos Rhenanos, ut in patria sua Laudensi initium detur fundando Monti Pietatis, ex quo indigentibus Civibus modicæ summæ 20. 30. aut 40. & plurimum florenorum mutuò dentur, sub idonea hypotheca, absque pignore actu tradito, ea obligatione, ut duo aut ad summum tres floreni pro singulis centenis præstentur tempore autumnalis vindemiarum. Administrationem & curam reliquit Hospitali in eadem sua patria à se fundato.

## §. 371.

De Montibus Pietatis aliarum Provinciarum non opus est, ut aliquid addamus. In Gallia hæc ratio juvandi pauperes non est in usu. (a) Unde materia ista Theologos Gallos parum movet. (b) Erectus ibi fuit Mons Pietatis vi Edicti cuiusdam mense Februario anni 1626. promulgati. Cum autem appareret, parum utilitatis inde afferri indigentibus; imò gravius eos premi, mox altero anno abrogatum fuit Edictum. (c)

Nihil ad-  
ditur de  
Gallia:

(a) MARTINUS GRANDIN oper. Theol. vol. 4. tr. de J. & J.  
p. 3. disp. 2. c. 2. in fin.

Ee

(b) TOUR-

(b) TOURNELY *de contract. p. 2. c. 3. art. 7. appendic.*

(c) Sic refert CLAUD. JOS. de FERRIERE *Dictionnaire de Droit & de Pratique tom. 2. V. Mont de pieté.*

## §. 372.

*Aut His-  
pania.*

In Hispania, ubi ejusmodi fundationes vocantur *Posita*, (a) erectus est Matriti Mons Pietatis pro animabus in Purgatorio existentibus, eo proventu, ut anno 1723. circiter octoginta millia, & sequenti anno septuaginta millia ducatorum monetæ illarum partium distributa, & ex eadem Montis erectione ultra centies trigesies septies mille, centum viginti tres Missæ pro earundem animarum purgantium suffragio celebratae essent. Pro augmento perpetuo hujus Montis, BENEDICTUS XIII. ad preces Philippi Regis, Indulgentias & Suffragiorum participationem concessit iis in Regionibus Indiarum existentibus, qui in favorem hujus Montis aliquid in testamentis suis reliquisti. Demum utriusque Potestatis tam Pontificiae, quam Regiæ consensu ordinatum & præceptum fuit, ut nullum Testamentum in partibus Indiarum confici valeat, sive Testator sit Laicus, sive Ecclesiasticus, quin per ipsos aliqua eleemosyna pro eorum arbitrio & devotione prædicto Monti applicanda relinquatur. (b)

(a) DE ARAUXO *de stat. civ. disp. 1. q. 6. n. 8.* A MOSTAZO *de caus. piis lib. 4. c. 13. n. 26.* Montis Cæsaraugustani à GREGORIO XIII. approbati mentionem faciunt PETRUS CENEDO *ad c. 4. de usur. collectan. 41. n. 2.* FRAGOSO *de Regin. Reip. Christ. tom. 1. lib. 7. disp. 20. n. 31.*

(b) Literæ BENEDICTI XIII. datæ sunt Roma die 20. August. 1727. & recensentur in *Bullar. Rom. tom. 13. n. 155. edit. Luxemb.*

## §. 373.

*Art. IV.  
OBSERVA-  
TIONES  
CIRCA  
MONTES*

Non abs re videtur, quasdam observationes subjungere, quibus alii Authores vel defectus nonnullos notant, vel providas ordinationes commendant in Montibus suæ Patriæ. Sperandum enim est, plures nostrarum partium Epi-